

ESANAK

TONY BLAIR

(Erresuma Batuko lehen ministroa)

«Pertsonen trafikoan oinarritu legez kanpoko immigrazioaren aurka gaude»

EVA SUAREZ LLANOS

(Alko Espainiako presidentea)

«Adi egon beharko da kanporaketekin, asilo politikoa eskatzen dutenei ez eragiteko»

JOSE MARIA AZNAR

(Espainiako presidentea)

«2002ren bukaerarako hedapenerako negoziazioak burutzeko xedea eskura dugu»

Sevillan deliberatu zutenez, Europako Kontseiluak goi bile-rak egun bakarrean egingo ditu aurrerantzean, eta ez bi egunetan, orain arte bezala. Ministroen Kontseilua 21 kide izatetik bederatzi izatera pasatuko da eta Afera Orokorraren Kontseilua bitan zatituko da; batek Europako Kontseiluaren segimendua egingo du, eta bestea EBren atzerri politikaz arduratuko da.

Hedapenaren azken txanpa

EBk kide berriak sartzeara eragozten duten auziak azarorako konpondu nahi ditu Bruselak, negoziazioak urte amaierarako itxi eta 2004an Europako hauteskundeak egiten direnerako Batasunaren parte izan daitezen. Bulgaria eta Errumaniarekiko negoziazioak abenduan zehaztuko dituzte, eta Turkiarekin 2003an hasiko dira negoziatzen; 2007rako dago aurreikusia Ankarak EBekin bat egitea.

Espainiako presidente Jose Maria Aznarren ahotan, «hedapenerako negoziazioen azken txanpan sartu gara; 2002ren bukaerarako negoziazioak burutzeko xedea eskura dugu».

Defentsa arloan, Greziak eta EBko beste kideek akordio bat iritsi zuten 2003an abiatuko den Europako Azkar Erantzuteko Indarraren inguruan. Turkiarekin akordioa ixtea geratzen da.

Irlanda Nizako Akordiora erakartzeko EBk neutraltasun militarra bermatuko dio Dublini. Irlandak daugin udazkenean bigarren erreferenduma egingo du Nizako Akordioaz.

Orobat, Ekialde Hurbileko gatazka konpontzeko nazioarteko konferentzia bat deitzea erabaki eta Zipreko kasuan «uharte berbatu baten alde» azaldu ziren.

Greenpeacek datorren Lurra- ren Goi Bilerari lehentasuna emateko eskatu zion EBri.



EMILIO MORENATTI / EFE

Manifestariak balkoietatik jaurti zuten urarekin freskatzen atzo, Sevillan egiten duen bero handia dela eta.

«Beste mundu bat» posible dela aldarrikatu dute milaka lagunek

Foro Sozialak antolatuta, elkarretaratze jendetsua izan da Sevillako kaleetan Europako Batasunaren politika salatzeke

Erredakzioa | DONOSTIA

«Kapitalaren Europaren eta gerraren aurka. Beste mundu bat posible da» leloa zeraman pankartaren atzean Europa osotik iritsitako globalizazioaren aurkako milaka lagun bildu ziren atzo Sevillako kaleetan, Europako Batasunaren politikak salatzeke. Foro Sozialak antolatuta, polizia neurri estuen artean egin zuten ibilbidea manifestariak. Aurretik eginiko kalkuluei jarraiki, 150.000-200.000 lagun espero zituzten antolatzaileek.

Santa Justako tren geltokitik abiatu zen elkarretaratzea arratsaldeko 20:00ak pasatxo, festa giroan. «Giro baketsu, jai moduko eta jendetsua» nabarmendu zuten, hain zuzen,

POLIZIA

Portugaldik zihoazen Ezkerreko Blokeko 400 manifestariri sarbidea galarazi dietela salatu dute antolatzaileek

antolatzaileek, baita gehiegizkotzat jo zituzten segurtasun neurriak salatu ere.

Sevillan goi bilerak iraun duen bitartean hedatuta izan diren milaka polizia eta guardia zibilek kontrol zorrotzak ezarri zituzten errepide nagusietan, estremistatzat jotzen dituzten taldeei sarbidea eragozteko. Horrez gainera, manifestari askori motxila edota

poltsetan zeramatzaten gauzak miatu zizkieten.

Ondoko estatuekiko mugetan ere kontrol estuak izan dira azken egunetan. Hala, «segurtasun nazional arrazoiengatik» Poliziak Portugaldik zortzi autobusetan zihoazen Ezkerreko Blokeko 400 ekintzaile sartzeara galarazi zuela salatu zuen atzo Foro Sozialak. Blokeko bi diputatu eta zenbait kargu publiko jipoitu zituzten gainera, Foro Sozialako iturriek jakinarazi zutenez.

Protesta ekitaldia hasi baino pixka bat lehenago, etorkin talde batek zuzentzen zituen milaka manifestarik egin zuten bat.

Elkarretaratzeaz gain, goi bilera alternatiboa —mintegi,

ekitaldi ludiko eta manifestazio txikiak— antolatu du Foro Sozialak azken egunetan eta 3.000 bat lagunek akanpada egin dute ostegunetik ekitaldietan parte hartzeko. Kopuru bikoitza espero zuten antolatzaileek, baina uste dute segurtasun neurriek eragina izan dutela. Herrialde txiroei kanpo zorra barkatzea eta immigrazio politika salatzea izan dira bilera alternatiboaren aldarrikapenetako batzuk.

Ostiralean, 500 ikasle inguruk Espainiako Gobernuaren unibertsitate legearen aurka-ko protesta egin zuten, ezkutu, granadak jaurtitzeko fusil eta borraz zeramatzaten poliziez eta furgonetaz inguratuta. Globalizazioaren aurkako mugimenduek eta polizia sindikatuek gehiegizko neurriak salatu zituzten.

Atzo, kontzertu batekin amaitu zen Foro Sozialaren goi bilera alternatiboa.

Agentziak | SEVILLA

Sevillako Pablo de Olavide unibertsitatean 400 etorkin duela aste batetik egiten ari diren itxialdiari elkartasuna adierazteko, ehun bat ekintzaile Salvador elizako patioan itxi ziren atzo goizean eta globalizazioaren aurkako manifestazioa abiatu arte bertan izan ziren. Elkarretaratzeratzean *Inor ez da legez kanpoko*. Olavideko etorkinak borro-

Itxialdian diren etorkinekiko solidarioek inor ez dela legez kanpoko aldarrikatu dute

kan aldarrikatu zuten pankarta baten bidez.

Protestan diren etorkinek jazarpen poliziala hautsi eta «bilgune bat eratzeko alternatibak» sortu dituztela adierazi zuten elkartasun taldeko kideek manifestu baten bitartez.

Itxialdian dauden etorkineta- tik 80 gose greban izan dira Hamabosten goi bilerak iraun duen artean.

Elkartasun taldekoak goizean sartu ziren bi ezkontza ospatzeko zen elizan. Poliziak berehala hesia ezarri zuen in-

gurutetan, eta kide gehiago sartzeara eragotzi zuen.

Jose Maria Aznar Espainiako presidentearen arabera, etorkinen protestak erakusten du egokiak direla EBk legez kanpoko immigrazioa geldiarazteko hartu neurriak: «Baimenik gabe dauden etorkinek beste etorkin batzuk egoera arautuan daudelako protesta egiteak erakusten du asmatu egin dugula EBko goi bileran hartu ditugun erabakiekin».